

պել հայկական շրջանների իշխանութիւնը, բայց նիւթական միջոցների ու պետական մեքենայի բացակայութեան պատճառով յաջողութիւն չունեցաւ :

Գարնան բացելով՝ անիշխանութիւնը աւելի ևս սաստկացաւ : Մայիսին սկսեց քոչը . թուրք քոչւորները պատրաստուած էին իրենց հօտերով բարձրանալ Զանգեզուրի սարերը : Յաջողութեան դէպքում այդ պիտի նշանակէր ստոյգ մահ զանգեզուրցիների համար : Եւ ահա, ինքնաբերաբար, իրարից անկախ, Սիսեանում, Գորիսում, Ղափանում ու Մեղրիում կազմեցին տեղական մարմիններ, որոնք իրենց ձեռքն առին ինքնապաշտպանութեան գործը : Նշանակեցին շրջանապետներ և անցան կազմակերպական աշխատանքի :

Մայիսի վերջերին Զանգեզուր հասաւ և Խնուսի, Սասունի ու Վանի գաղթականների մի մասը՝ զինուած ուժերով : Խնուսցիների մի հարիւրեակը Եղոյի գլխաւորութեամբ և վանեցիների մի վաշտը իրենց դրին Սիսեանի մարմնի տրամադրութեան տակ, իսկ Սասունցի Մանուկը, Մուշեղը և Չոյոն երեք հարիւրեակով անցան Գորիս : Այդ ուժերը կազմեցին այն կորիզը, որի շուրջ համախմբուեցին զանգեզուրցի մարտիկները :

Յունիսի սկզբներին, հազարաւոր զինուած քոչւորներ խոնկեցին Հագարի գետի ափին՝ պատրաստ դէնքի ուժով բանալու սարերի ճամբան : Նրանց օգնութեան էին եկել և Հաջի-Սամլուի ու Մուսուլմանլարի թուրքերը : Հարամի Դիւզ վայրում տեղի ունեցան թուրքերի և հայերի միջև արինահանեղ ճակատամարտներ, և թուրքերը պարտուած՝ դիմեցին փախստի՝ կուռի դաշտում թողնելով բազմաթիւ դիակներ : Կարճ ժամանակ յետոյ, Հաջի-Սամլուի թուրքերը յարձակեցին Սիսեանի վրա՝ կամենալով միանալ թրքական Ձուլ շրջանին և այդպիսով Զանգեզուրը կտրել Դարալագեաղից, բայց ջարդուած քուշեցին այստեղից էլ : Ընդհարումներ եղան և Զէյվա—Հագարակ գծի վրա, Մեղրիում . այստեղ ևս թուրքերը չզիմացան ու փախան Օրդուբաթի կողմերը :

Այսպիսով, Զանգեզուրն ազատեց քոչի մղձաւանջից : Յուլիսին Սիսեան եկաւ Շուշիի գնդի սպայակոյտը՝ գնդապետ Մելիք-Շահնազարեանի գլխաւորութեամբ : Իսկ, յուլիսի վերջերին, զանգեզուրցիները կողմից Երևան ուղարկեց մի յատուկ պատուիրակութիւն՝ յայտնելու համար Հայաստանի կառավարութեան, որ Զանգեզուրը վճռել է մնալ Հայաստանի մաս և պատրաստ է մինչև մահ կուռել, և խնդրելու, որ Հայաստանի կառավարութիւնը Զանգեզուր ուղարկէ 8—10 ձեռնհաս սպայ ու զրամական միջոց . Հայաստանի կառավարութեան վիճակն այն օրերին այնպէս էր, որ, ի հարկէ, չօշափելի օգնութիւն չէր կարող հասցնել . վարչապետ Յ. Քաջազնունին սահմանափակեց միայն բարոյական քաջալերանքով : Ըստ էութեան, աւելի դրական չեղաւ և ներքին գործոց նախարար Արամի արածը, բայց նա խոստացաւ կենդանի կապ պահել Զանգեզուրի հետ և մօտիկ ապագայում ուղարկել մի ձեռնհաս հրամանատար ու սպաներ :